



DEO OPTIMO MAXIMO  
UNI ET TRINO,  
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA \*.

QUOD LIBETARIIS DISPUTATIONIBUS  
manè discutienda in Scholis Medicorum, die Martis decimâ-nonâ  
mensis Maii, anno Domini M. DCC. LXXVIII.

M<sup>o</sup>. CLAUDIO - ANDRÆA GOUBELLY,  
Scholarum Professore, Doctore Medico, Præside.

*An capite Fetus incuneato, Vellis Forcipibus, anteponendus ?*

I.



**U**B I Fetus maturus viribus maternis ex utero protrusus facilè &  
absque ullâ injuriâ in lucem editur, suasque secum trahit secundinas  
integras, partus dicitur *naturalis*. Solius naturæ illud opus totum  
est, nec ullam, aut rarò, auxiliatricem duntaxat, reposcit opem.  
Ubi verò naturæ conatus irritos efficiunt, aut ex parte matris,  
aut ex parte fetus objecta impedimenta, quæ nisi potenti artis auxilio, vinci  
minimè possunt, partus votis naturæ haud consentaneus, vocatur *contra-naturalis*.

\* Auctore M. Claudio-Andrà GOUBELLY, 1772.

Infinitas pendè numero; quibus irretitur infans egressurus causas; varias quæ pro variis & causis & rerum circumstantiis proposita aut adhibita fuerunt, artes recensere longius esset, vetantque thesæos limites. De illo partu difficili admodum & laborioso in quo caput fætus ita incarceratur atque incuneatur ut, nec citra, nec ultra progredi queat, de instrumento quod tutiorem partum absolvet ac promptiorem, nostra tantum erit dissertatiuncula.

Incuneatum dicimus caput quod intra matris partes seu molles seu duras impactum & immobile hærens, nec validioribus matris moliminibus, nec Obstetricantis nudâ manu potest expediri. Ex observatis, capitis zona tantum aliquandò, aliquandò tota peripheria constringitur; aliquandò tandem spinas inter Ischiôn ossium, apicem Sacri, Coccygem ita caput infigitur, ut nec progressus sit capax nec regressus. Illo igitur instrumento armatus accedat necesse est Embryulcus, quo à partibus constringentibus caput, salvis, quantum potis est, & matris & fætus rebus, avellat. Forcipem curvum à celeberrimo LEVRET excogitatum & absolutum laudant ferè Omnes. At pace viri peritissimi, cui multum debere artem obstetriciam, læti prosumus, vestem, non Roonhufianum quidem, sed alium, huic ex aliqua parte similem, simpliciore & diversâ methodo tractandum, forcipi anteponendum existimamus.

## II.

**I**NFANTEM in lucem edendum è pelvi majori in minorem, & deindè extra vulvam expelli necesse est. Pelvim minorem à maiori determinat foramen imperfectè ovale quod faucium vel angustiarum superiorum nomine insignitur. Foramen illud partè superiori Sacri, inferioribus illiù ossium plagis & ossibus Pubis circumscribitur; undè nec circuli, nec ellipseos formam exhibet adæquatam. Si ab uno illo ad alterum ducas lineam, d'amentrum Transversam habebis; Anteriorem verò tibi offeret linea distantiam à sacro ad pubem emetiens. Hæc priori minor est.

In capite fætus duas pariter delineabimus diametros. Anteriorem nempe & maiorem ab osse frontali ad occiput, alteram Transversam & minorem ab uno temporali ad alterum.

His præpositis, quid in parturitione agatur, paululum attendamus. Dùm partus instant molimina, collum uteri caput infantis complectens è pelvi majori in minorem propulsum, suum protendit orificium in vaginam. Caput ergò fætus angustias superiores ingredi & transilire cogitur, ut in pelvim descendat, sacro & coccygi innixurum. Dùm peragitur ille descensus, ita, pro voto nature,

3  
paulatim aperiri & dilatari oportet osium uteri, ut, jam pone caput retractum, collum cingat. Nec satis: alteræ opponuntur angustię inferiores, quas ut superet homuncio, ita caput erigendum est, ut vulvæ aperturam facies appellat, versüs pubem quasi rotante occipite. Hinc patet fetüs caput, vel partibus mollibus, uteri orificio, vaginâ & vulvæ osio, vel partibus duris angustijs nempe superioribus & inferioribus posse retineri & cohiberi incuneatum.

Nec paucioribus nec minoribus differentiis incuneationem secernit varia capitis fetüs positio. Hoc enim incuneato in angustijs superioribus, facies, vel dextrum vel sinistrum spectat transversæ diametri terminum, vel occipite objecto, facies sacrum aut pubem directè vel obliquè respicit. In cavitate pelvis minoris si locum habeat incuneatio, facies vel sacro innixa vel pubi, vel dextro sinistrove lateri objecta, hærebit tum directè, tum obliquè ad diametrum transversam. Eadem notantur diversitate situs & respectus faciei, si caput in angustijs inferioribus detineatur immobile. Qualiscunque verò sit faciei situs qui (multiformis depingi potest) præcipuas capitis lineas cum præcipuis pelvis diametris modò parallelas modò obliquas evadere; ac proinde quatuor inter se angulos, ad apicem oppositos sibi que invicem modò æquales, modò inæquales efformare nemo diffitebitur. Indicatis repagulis quibus infantulo moræ injiciuntur, delineatisque variis capitis positionibus, omissis verò causis & signis incuneationis, quæ varios apud Autores legere est, forcipis usum, haud rarò impossibilem, persæpè noxium demonstrare jubet propositi ratio.

### III.

UT forceps cujus figuram, utpotè omnibus notam, negligimus, propositum adimpleat opus, hæc sunt prius peragenda. 1°. Cochlear utrumque fetum intra & partes matris collocandum. 2°. Forcipis crura inter se certo uniantur nexu. 3°. Crura ita apponantur ut colligatorum margines eorum convexæ obviæ sint sacro cujus latitudo instrumenti axim secet perpendiculariter, margines verò cavæ ossium pubis crura respiciant. Hæc enim mutatâ aut declinatâ positione, premantur, tundantur, imò lacerentur partes matris necesse est, turpiterque vacuum & inane extrahitur instrumentum. 4°. Fetüs capiti eo forceps applicandus est modo, quo hujus cochlearis utriusque cavitas illius diametri transversæ fines comprehendat. Jam verò capite in angustijs superioribus incuneato, hæc quatuor sæpissimè desiderantur. Facie etenim vel pubi vel sacro adhærente, forcipis cochlearia intrò faciliè missa fuisse per nos nunc liceat; horum ope, in pelvim minorem nunquam adducendum esse caput ultrò fatebitur qui angustiarum supe-

riorum longè minorem diametrum anteriorem, pro majori capitis fœtus diametro, animadvertet. Obices vix superabiles, vincere si tentet malè cautus Obstetricans totis suis viribus caput avellens, in pubem aut sacrum fortiter pressi tùm anterior tùm posterior uteri paries certò certius contundentur, rumpentur. Nec dicas caput, digitorum ope, ad statum naturalem prius esse revocandum; digitis nullus patet aditus, incuneatio vanam illorum efficit pressionem; aut saltem eam illis non permittit actionem quæ capiti invertendo sit sufficiens.

Angustii in superioribus transversum si caput hæreat, quominus intromittatur forceps, vetat axis cochlearis curvitas lateralis: nec contrà nitatur Obstetricans suæ encheireseôs tenacior, alioquin contusas, laceratas dolebit matris partes, deturpata, laniata fœtus capitis integumenta. Et enim, etsi facilis instrumenti crurum introductio, hæcce recolligere & adunire nullus valebit. Angulus enim quem efformant, perpetuam servat proportionem cum cochlearium extremorum arcus chordâ; quæ quidè chorda majorem capitis fœtus diametrum nunc metitur. Pater ergò ad punctum coadunationis reduci non posse crura forcipis à se invicem niniùm remota, quin partes matris violentius removeantur, extendantur & rumpantur. Prædictis in circumstantiis, capitis inversionem admodùm necessariam (si quidem à pelvi majori in minorem nequaquam delabitur nisi facie vel infra vel supra objectâ) absolvere forcipis ope si tentet Embryulcus, nonnè ab instrumenti curvaturâ pelvi minori adeò adversâ, dùm cochlearibus frons simul & occiput comprehenduntur, metuenda venit partium disturbatio, ossium capitis dimotio ac fractura? Quid paura! forcipi sic apposito, caput verè incuneatum nihilò cedere experti sunt non pauci.

Minori in pelvi, si facies pubi vel sacro adhæreat immobilis, forcipe apprehendi partes capitis laterales fatemur. At reductis junctisque cruribus quâ proportionem minuetur diameter capitis transversa, eâdem elongabitur anterior. Ab hoc pressu quot reformidanda occurrant mala coccygi, perinæo, vulvæ, vesicæ matris, ipsimet ferui incumbentia, viderit Medicus.

In eâdem pelvi minori dùm caput, facie ad hoc vel illud latus obversâ, irrititur, nec pauciora nec leviora sunt à forcipe pertimescenda, quæ jam retulimus, cùm de capite diximus in angustii superioribus transverse impedito. Angustii in superioribus aut in pelvi minore obliquè objecto capite, nedùm utilis, graviora adauget impedimenta forceps, quippè qui caput jam elongatum magis ac magis producit, lateribus validè compressis.

Hæc cùm satis superque sint, quibus forcipis usum haud rarò impossibilem, sæpissimè noxium esse comprobatur, ad vêtis usuram & commoda devenimus.

**V**ECTIS usuram variam necessariò imperant variæ incuneationis species & varii capitis. situs : nec uni aut alteri parti indiscriminatim apponendum esse suadet iusta partium cognitio. Pro votis ut succedat , tria sunt tenenda : 1<sup>o</sup>. Cochlearis intra fetum & partes matris tuta intromissio ; 2<sup>o</sup>. ejus ad partem capitis quæ mota totam molem cogere debeat , applicatio ; 3<sup>o</sup>. denique ea motus ratio quâ in caput agens vectis , illud foràs eliminare queat.

Quæcunque sit. incuneationis species , quæcunque causa , cochleari vectis præbet aditum vel faciei dispositio , vel ars . Obstetricantis caput incuneatum digitis & pollice paululùm hinc vel inde , suprà vel infrà diducendis . Capitis partem cui vectis cochlear sit applicandum definire haud arduum erit attendenti , quamnam soliti speciem offerat caput fetus per angustias vel superiores vel inferiores transeuntis . Occiput priùs oblatum facies subsequitur , hinc caput conum effingit cuius apex seu occiput antroisum , basis verò seu facies retrorsum . Jam verò quotiès coni basis propellitur , movetur & juxta eandem lineam illius apex . Basi ergò seu faciei parti infimæ , maxillæ nempe inferiori , admoveatur potentia , partem oppositam in motum adversum impellendam esse demonstrant mechanicæ leges . Vi efficaci quam ministrat vectis , prudenter utatur Embryulcus ; caveat ne partibus matris tanquam fulcro incumbens , illi gravissimam inferat injuriam : at manui alterutri innixum vectem alterâ manu moveat & premat juxta primæ vectum classis axiomata aut tertiæ classis ; situ servato , manus caput fetus inter & alteram manum fulcri vices gerentem ponatur . Quâ sobrietate , ut ità dicam , elevandum , movendum & propellendum sit caput , verbis exprimere supervacaneum ducimus . Præcepta nonnullis exemplis dilucidare & confirmare satius videtur ; undè quid in aliis prætermisiss circumstantiis Embryulco vecte utenti sit agendum , faciliè quivis non rudis concludet .

Si capitis in angustias superioribus hærentis facies pubem aut sacrum directè , dextrum aut sinistrum latus obliquè respiciat , ità caput invertendum est ad unum vel ad alterum latus , ut sua major diameter diametro angustiarum transversæ sit fere parallela ; caput enim per angustias superiores nunquàm nisi obliquè descendere nemo nescit . Ut hæc fiat inversio , sinistra manus vectem , dextrâ ducente , immittit juxta lineam quæ matris cluni dextræ manubrium offerat , cochleare verò inter genam fetus sinistram , & uteri ostii limbum proximum collocet . Eadem sinistra manubrium moderatur & ad partes capitis fetus laterales , levî



motu & supra suum axem rotatu propellens, cochlearis introductioni favet. Ut verò capiti infantis applicatum cochleare, parti mobili incumbat, hoc dextra manus intropellit eo motu sapienter moderato qui 90 gradus describat: sicque maxillæ inferiori adaptetur. Vestis cochleare introductum monstrat axis instrumenti, qui sibi derelictus, ambarum angustiarum diametros anteriores fecat perpendiculariter; monstrat etiam illius in hoc situ à partibus maternis contra-nitentibus immobilitas. Cochleari angulum maxillæ apprehensum certò edoctus Obstetricans, dextrâ manu firmiter median vestis partem continet & digitis sinistris parti parietalis dextri posteriori appositis, pollex verticem premens caput sublevat, ad latus sinistrum pellit occiput, dùm vestis ope, cujus caverna fêtus genam quasi includit, facies ad dexterum latus adigitur, sicque viciis obicibus, truditur in pelvim. Hoc in situ capitis diameter anterior in angustiarum transversâ diametri plano est parallela. Ad latus sinistrum, ubi convenientius videtur, quomodo caput sit inclinandum, mutato latere & mutatis manibus, quivis facillè intelliget. Sicque situi naturali redditum caput, dummodò nullis aliis irretiat vitiis, naturæ enitenti committitur.

Transversâ hærente capite angustis superioribus & ad latus sinistrum obversa facie, contra pubem, si major est pressio quàm contra sacrum, extremis dextris digitis caput in sacrum deprimitur, hæcque depressio dat locum introductioni cochlearis sic dispositi ut manubrii pars inferior terræ obvertatur, juxta diametri anterioris directionem. Cochlearis, inter genam sinistram fêtus ac partes anteriores & laterales sinistras ostii uteri introducti, manubrium ad oppositum verticale punctum elevatur, arcum vel majorem vel minorem pro pubis curvaturâ descripturum. Quando fixus hæret vestis, axemque habet plano symphyfis ossium pubis obliquo parallelum, cochleare sinistro masseteri musculo fêtus esse applicatum constat. Tunc vestis parti mediæ oppositâ sinistrâ quæ fulcri immoti munus adimplet, dextra manubrium movens caput leniter premit & ad pelvim deducit.

Si ad sacrum magis hæret caput, inversâ vestis introducendi ratione, eodem manuum exercitio idem producetur effectus, caput in pelvim descender faciesque ad sacrum inclinabitur; posito tamen quòd ad illud faciliori inclinatione tendat quàm ad pubem. Ad hunc enim si facies magis quàm ad sacrum vergat, huic propensionis faveat secunda introducendi vestis methodus; sicque à collo detorquendo ac fetu strangulando sese abstinebit Embryuleus.

Capitis in pelvi minore incuneati quicumque sit aspectus, eardem aut ferè similes, quas dictabit occasio, leges sunt tenendæ. Methodum singulis incuneationis speciebus commodiorem tutioremque exponere & exercitio confirmare facilius nobis erit respondentibus, quàm scriptis depingere.

**V**ECTEM à ROONHUISEN jam inventum, à Medicis Batavis laudatum, ab Obstetricantibus verò notæ optimæ, infidum ac noxium renunciatum atque repudiatum, denuò nos in medium proferre & exfultare ne credas. Roonhuisiano primâ fronte haud abfimilis noster videtur, at severior si fiat comparatio, hunc ab illo multis capitibus discrepare, in propatulo erit (1). Plurimis vitiis foedatum vectem Batavum meritò rejecerunt. Quàm fortiori jure, illius usurpandi rationem, in tractatu, cui titulus est: *Infrumenti Roonhuisiani ad partus inventio*, delinearam, damnâmus impossibilem & noxiam.

At iniquient, laboriosis partibus, à capite incuneato, sufficiunt & sufficere forcipes à peritis viris emendati, quorum usus & certior & simplicior. Forcipes votis Obstetricantium nonnullorum satisfecisse non diffitemur. Verùm enimverò (omissis de verâ incuneatione dubiis, capite præsertim crassitiem solitam non superante) non pauca occurrunt partûs impedimenta quæ vecti vix aditum permittant: tunc autem quantò difficilior utrique forcipum cochleari erit introitus! Quàm sæpè impossibilis crurum adunatio! Forcipe intromisso, caput amplexante, validè apprehensus extrahitur infans, pressionis, succussionis, tractionis effectus nemo non reformidat. Dolent multi stridorem colli comprehensionem, elongata cervicalia ligamenta, medullam spinalem divisam, colli lacerationem, à trunco caput avulsum, &c. Contrâ paribus in circumstantiis vectis nullo labore aut saltem levi introfertur, manu prudenti ductus & moderatus nec fetum nec matrem lædit, partumque expedit feliciter. Undè laudum, quibus vectis Roonhuisiani utum

(1) Duabus ex partibus constat vectis quem laudamus, cochleari nempe & manubrio. Cochleare forcipis recti cochlearis figuram referens, juxta suam latitudinem & cavitatem inspectum, longitudinis pollices  $7\frac{1}{2}$ , latitudinis majoris pollicem 1 lineas 8, habet; crassitiei lineas 2: fenestra longitudinis pollices  $3\frac{1}{2}$  latitudinis verò majoris 8 lineas. Cochlearis cauda quæ manubrio includitur longitudinis pollices  $4\frac{1}{2}$ , latitudinis lineas 10 habet minor, manubrii latitudo major 14 lineas adimplet.

Vectis à latere inspectus litteræ S. Romaræ Formam æmulat: duo igitur offert circulorum segmenta inæqualia quorum curvatures oppositæ in extremis junguntur, undè duæ acuum chordæ fingi possunt, chorda Cochlearis pollices 5, lineas 3 æquat, cujus maxima ab arcu distantia pollicem 1 lineas 2. Linea ab extremitate instrumenti ducta ad Cochlearis convexitatem cujus est tangens, ad punctum usque contactûs protensa pollices 10 habet; ejus maxima ab arcu, cujus est chorda, distantia perpendicularis lineas 10; undè facilis est æstimatu utraque instrumenti curvædo.

extulit celeberrimus van-SWIETEN (1), partem maximam liceat in vestem nostrum qui simplicior, mole minor, commodior, & cuius applicatio sanioribus regitur legibus, refundere & concludere :

*Èrgò capite Fetùs incuneato, Vellis Forcipibus anteponendus.*

(1) Comment. in Hermannii BOERRHAAVE Aphorismos. Tom. 4. pag. 485. edit. Parif.

### DOMINI DOCTORES DISPUTATURI.

*M. Carolus - Ludovicus  
VARNIER.*

*M. Ludovicus - Carolus-  
Henricus MACQUART.*

*M. Jacobus BARBEU DU  
BOURG, Regiæ Scientia-  
rum Academiæ Stokol-  
mienfis, Societatis Regiæ  
Monspelienfis, Societatis  
Medicæ Londinenfis, &  
Societatis Philosophicæ  
Americane Socius.*

*M. Jacobus-Franciscus DE  
VILLIERS, antiquus  
Regis Exercituum Medi-  
cus ordinarius in Ger-  
maniâ, Regiæ Scholæ  
Veterinariæ Medicus.*

*M. Joannes-Franciscus-Ja-  
cobus ROUSSILLE DE  
CHAMSERU, à Regiâ  
Societate Medicâ Pari-  
sienfi pro Epidemiis in-  
fluitâ.*

*M. Joannes-Jacobus MES-  
SENCE.*

*M. Eduardus - Franciscus-  
Maria BOSQUILLON,  
Eques, à Societate Me-  
dicâ Edimburgenfi, Pro-  
fessor & Censor Regius.*

*M. Sanctus - Ludovicus  
GUINDANT, à Regiâ  
Scientiarum Societate  
Monspelienfi.*

*M. Anna-Carolus LORRY.*

Proponcbat, Parifiis, JOANNES-BAPTISTA LE ROUX DES TILLETS,  
Parifiensis, Saluberrimæ Facultatis Medicinæ Parifiensis  
Baccalaureus Emeritus. Anno R. S. H. 1778.